

REGLAMENT

1. Finamira

La concurrenza Premi-Lions ha la finamira da promover il far musica dils giuvenils e dat ad els la pusseivladad da presentar lur savida e da semiserar en rama d'ina concurrenza.

2. Organisaziun

Per l'organisaziun e la realisaziun dalla concurrenza ein il Club-Lions Surselva e la Scola da musica Surselva responsabels.

3. Cundiziuns da participaziun

Prender part san scolaras e scolaras che han instrucziun tier la Scola da musica Surselva tochen tier lur 20avel onn da naschienscha. Sco pretensiun minimala valan 2 onns instrucziun da musica.

4. Pusseivladad da participaziun

Igl ei pusseivel da separticipar alla concurrenza sco solist, sco duo ni sco ensemble. **La participaziun ei restrinschida sin ina presentaziun. Lubi ein mo instruments acustics.**

5. Classa da vegliadetgna

Solists, duos ed ensembles ein partgi en en tuttas categorias da concurrenza tenor las suandontas classas da vegliadetgna:

| | |
|--------------------------|--------------------------|
| classa da vegliadetgna A | annada 1998 e pli giuven |
| classa da vegliadetgna B | annada 1997 tochen 1994 |
| classa da vegliadetgna C | annada 1993 tochen 1990 |

6. Categorias da concurrenza

Las classas da vegliadetgna serepartan sin las suandontas categorias da concurrenza:

- > **cant** (a cappella, cun agen ni accumpignament jester)
- > **instruments da cordas** (violina, viola, violoncello, ghitarra)
- > **instruments da tastas** (clavazin, accordeon)
- > **instruments da flad** (flauta, flauta da Pan, flauta traversa, clarinetta, saxofon)
- > **instruments da stuors** (cornet, trumbetta, trumba, tgiern en es, bariton, eufoni, posauna, tuba)
- > **percussiu** (xilofon, drum set, schumber)
- > **duos** (libra occupaziun da dus instruments, clavazin a 4 mauns, cant)
- > **ensembles** (libra occupaziun) il dretg da separticipar han tuts ensembles cun silmeins treis e maximum otg commembers; senza dirigent.

7. Toc da pag

L'ovra presentada vegn encurrida ora dils participonts. Il temps da presentaziun munta per solists maximum 6 minutas resp. per duos ed ensembles maximum 8 minutas.

8. Accumpignament

Per igl accumpignament ein mo instruments acustics lubi. La procura e l' indemnisaziun digl accumpignament ei caussa dils participonts.

9. Annunzia

L'annunzia succeda cul **formular d'annunzia** official **entochen venderdis, ils 26 da mars 2010**. All'annunzia ein d'aschuntar **3 copias** dils tocs da pag, cun scret si **il num dils participonts**.

10. Giuria

La giuria consista ord pedagogs da musica qualificai d'ordeifer. Las decisiuns dalla giuria ein definitivs ed incontestablas.

11. Valetaziun

Las presentaziuns vegnan giudicadas tenor ils suandonts criteris: formaziun musicala, interpretaziun, cultura dil tun, intunaziun, segirtad ritimica, harmonia, fideivladad dil text, segirtad da stil, tecnica ed interpretaziun, impressiun generala.

12. Final dils victurs

Sco finiziun dalla concorrenza ha liug allas 19.00 uras ella sala communal da casa da scola Glion il final dils victurs. Per quei final sequalificheschan las producziuns da mintga vegliadetgna cun ils pli bia puncts, independet dalla categoria da concorrenza. Tier l'absenza persunala dil victur croda il premi al proxim rangau resp. croda naven.

13. Proclamaziun dils rangs

Suenter il final suonda la proclamaziun dils rangs e la surdada dils premis.

14. Campiun dalla concorrenza Lions 2010

La producziun culs pli bia puncts survegn il tetel "campiun dil premi-Lions concorrenza 2010".

el fevrer 2010

Scola da musica Surselva
Claudio Simonet, menader



regiun surselva

